

Quando magister Tolosanus naturae concessit.

CAP. CLXXXIII.

Sub anno Domini mcccxxvii die ^{quinto} intrante mense ^Aaprili, compiler ^alibri huius, magister Tolosanus nomine ^a[a], sanctae Faventinæ Ecclesiæ diaconus atque canonicus, relicto carnis pondere, diem clausit ^b[b] extremum ^a[A].

Quando rex Iohannes venit Faventiam.

CAP. CLXXXIV.

Post gloriosum Virginis partum cccxxvi post mille in mense ^Aaprili, dominus Iohannes de Brenda ^c[c], rex Hierosolymitanus, ob graves discordias quæ inter se ^d[d] et dominum imperatorem, generum suum (105) videbantur exortæ, ab eo discessit, et venit Asculum, deinde Anconam, et ibi stetit per aliquot dies cum uxore ^B[B] prægnante. Ea vero ibi dimissa, venit Faventiam; quem Faventini honorabiliter receperunt, et in omnibus largissime dederunt expensas, Ravennæ tunc dictæ imperatore existente.

Quando Faventini miserunt L milites apud Mantuam.

CAP. CLXXXV.

Anno Domini mcccxxvi die v exeunte ^aradio, in vigilia ^aAscensionis Domini, Faventini miserunt quinquaginta milites, ad pugnam mirabiliter armatos, in Lombardiam apud Mantuam, in servitium nostræ societatis Lombardiæ, et Amæum Karentanum, eorum potestatem cum eis, cum victualibus et aliis necessariis optime præparatos, domino Imperatore tunc Parmæ existente.

[a] Tolosanus nomine. Sic semper C. M.: Tholosanus nomine, sic C. V. — [b] diem clausit. Supplevi sic; nam deest diem in Codd. — [c] Iohannes de Brenda. Sic Codd.; sed ceteri scriptores eum Iohannem de Brenna appellare consueverunt. — [d] quæ inter se. Sic corrige. Codd. habent: quas inter se.

[A] Ex hoc capite patet, quod supra monuimus, hos Annales nimirum ab alio scriptore continuari, et quidem inceptam fuisse continuationem loco jam indicato, paulo ante, videlicet, quam apoplexia corripereetur Tolosanus. Hic Cod. Viar. titulos capitum, quos in medio libro plerumque omiserat, iterum præfixos refert.

[B] Nempe Berengaria, sive Maria, cuius jure hæreditario Iohannes regno erat potitus. Haec regina, anno sequenti 1227, Bononiae filiam edidit. Vide *Annal. Murat.*